

西南稀見方志文獻

第三十七卷

中國西南文獻叢書



中國西南文獻叢書·第一輯

西南稀見方誌文獻

第三十七卷



《佛光大藏經》編修緣起

夫佛法者，自內容教義觀之，固有其根本上不變之價值；然若於研究信解論之，則應有契合時代之方法與權巧，方能古今融會貫通也。

基於此一原因，吾人期盼此願望之實現，故於民國五十六年（一九六七年）佛光山開山以來，即未嘗一日稍怠，朝此目標邁進。其中《佛光大藏經》之編印付梓，乃在此機緣下誕生於世矣。

我如來一代時教，自漢時東來中土，歷朝大德，譯著典籍，代有所出。宋元明清各版藏經之蒐集編印，既保存聖言經教，亦提供為學者研究與發揚之據也。然各版所刊，未將三藏分段標點，致令今人望經興嘆，既感佛典深奧，非初學之所能解，且編排古板，雖信學有心，奈苦鑽而莫能入。佛光山諸有志者，有鑒於此，乃於民國六十六年（一九七七年）成立「佛光大藏經編修委員會」，以星雲主其事，集學者數十人，經年累月，採各版藏經，冀望作文字之校

本卷目錄

姚安縣志

下

〔民國〕

盧

漢等修

由雲龍等纂

.....

一

【民國】

盧漢等修
由雲龍等纂

姚安縣志

下

《姚安縣志六十六卷首一卷末一卷》，民國盧漢等修，由雲龍等纂。本書據民國三十六年（公元一九四七年）鉛印本影印，原書成品尺寸爲二十六厘米乘十五點六厘米，版框尺寸爲二十厘米乘十二點三厘米。

姚安縣志卷三十三

人物志之九

文苑

范曄後漢書既撰儒林復撰文苑章實齋云儒林講經文苑談藝原史臣之意以人類造詣不齊文章之重未嘗不可與事業同傳本志學術既徵簡編復志流別茲又傳述志行庶可與學術參稽並可與人物各傳互相輝映志乘云

明

由於廷

清

施楷 蔡友松 高乃裕 冉宏智 饒宗賢 向雲翔僕文倬羅 琦 黃中理

饒有志 許颺 杜友壇 王安廷弟芝廷 周之冕 趙洋 甘榮昌 李泰子德發

張如輦 趙美王式金 顏發榮 楊國樑 楊元熙 劉誠 胡壽榮 李芝山

張廷用 延年 甘德柄弟德輝從弟德方 鄭仰僑 陳日新

謹按蔡友松以下諸人甘志所列次序多有錯誤茲特詳考選舉表另爲更正

由於廷孝恭坊人明諸生博通經史百家教授於鄉一州英俊盡出其門既歿門人鑄像祀之甘孟賢遺稿

施楷康熙甲子科武舉中式後即棄武習文受業於高喬映博通典籍自號晚學居士甘志

蔡友松康熙辛卯科舉人篤行力學善誨生徒進士樊仲琇甘美舉人甘茂拔貢劉鏞邱啟賢歲貢邱毓賢等皆門下士其著述甚富歷久散失任光山知縣有政聲拔貢施岳亦博學善教與友松齊名州舊志

高乃裕別號梅溪廩生博學工騷詠著有焚餘集四卷行於世甘志

謹按續通志載高乃裕乾隆間舉同知考各記載高厚德於雍正七年已遷江南世職即未乘襲通志所云未知何據

冉宏智乾隆間歲貢生性疏狂讀書有妙悟將爲文伏案構思研墨極濃乃濡毫疾書一揮而就見者無不驚奇晚年教授生徒多所造就甘志

饒宗賢乾隆間歲貢生居家孝友苦志力學善誘生徒所得脩金盡以周鄉里之貧乏者耽吟詠著有古體近體詩數千首頗得詩人風致年久散失甘志

向雲翔乾隆間歲貢生博通羣籍著有爾雅草一部選建水訓導善教生徒卓有賢聲同時有俚文俚字

天章亦歲貢生善吟詠工書法常與夏詔新酬唱著有醒心詩集參州舊志甘孟賢日省錄

羅琦州西代苴鄉人廩生性警敏好讀書窮探經史尤喜讀宋人語錄及周易諸書下帷十年得其旨趣嘗手著經義備覽道學集要各數卷年三十而卒士論惜之甘志

黃中理乾隆乙酉科拔貢博通經史善書法尤工吟詠著有詩稿四卷中理以管志缺載藝文特採府志

增補成藝文志二卷

參王志序及甘志

饒有志乾隆間歲貢生家貧好學性強記經史而外各種子集無不博覽甘志

許颺乾隆間歲貢生品端學博善誘生徒晚年益自刻勵閉戶著書不干外事甘志

杜友檀嘉慶間歲貢生績學能文工書法時人頗引重焉甘志

王安庭字桐門道光壬午科舉人性純雅博通經史王文藝主講大成書院多所造就所作詩文三姚人士無不爭相揣摹又與學正王埏同修姚州志後選廣南教授卒於官弟芝庭辛卯舉人亦博學能文與

兄齊名甘志

周之冕字德中道光間恩貢生事母至孝學問博洽勵志安貧不求聞達家居教授生徒成就者衆甘志

趙洋道光間州歲貢性通脫警敏績學能文嗜酒工詞翰移居白井肄業靈源書院將爲詩銜杯構思乃

濡毫數章立就同人重之晚年設帳齊雲閣從學者衆參白井志

甘榮昌字泰交嘉道間人歲貢生性敏捷善屬文與其兄榮祿相師友家居教授生徒來學者先後數百人著有柳村集

甘志

李泰道光間歲貢生工詩賦精舉業遊其門者甚衆子德叢字心階道光甲辰副榜工詩古文辭同治中

主講大成書院後授雲龍州學正卸任歸里至彌興而卒

參甘志廿
孟賢稿

張如輦字振采道光丙午科舉人家貧力學三十餘年手不釋卷凡經史子集靡不淹貫其爲古文也宗韓柳其爲時文也師金陳年五十始舉於鄉後選授新平教諭甫四年即告歸歸數月逆回煽亂憂鬱而

卒

甘志

趙美字含章諸生安貧樂道不求聞達工書畫通天文博覽經史尤致力於易學精求象數曾繪南極北極二圖以觀星象著有南堂啟蒙集夢梅書屋詩稿朱子家訓引證州副榜官全爲之序貢生王式金亦

博學工書法名與美相埒

甘志

顏發榮字春圃州北鐵索鄉人同治間恩貢生成同之亂隱居教授講學不輟亂平挈其子弟十餘人應

有司試皆獲雋性端謹沉默生平不言人過不預非分事鄉里欽崇之卒年八十有二

甘孟賢
遺稿

楊國樑字柏年州西彌興人同治癸酉拔貢本科舉人性純正工詩文精書畫回衆亂時有欲污以僞職

嚴拒不受光緒初主講大成書院副貢李德叢卸雲龍教職歸中途嬰疾衣物典質殆盡抵彌與卒國樑爲具棺殮舁送回里時論高之後授永善教諭卒於官採訪

楊元熙字書航歲貢生州西彌興人性強記幼讀書甚少入庠後閉戶精誦三年遂以淹貫稱咸同之亂賊欲污以偽職力却不受初元熙有母甚賢通書傳元熙每觀書母輒往窺經史則聽之俗家小說淫詞豔語則呵禁之並焚其書人謂元熙之學半成於母氏之教云甘肅通志

劉誠字子靜光緒間貢生通音律工詩古文辭書法鍾王設帳教授成就甚衆嘗籌款修復大成書院並與貢生任揆道監修營宮肇劃經營悉合體制往來昆華蒼洱間弔古感懷輒寄之詩歌惜不自珍惜故無專集行世採訪

胡壽榮字袞臣光緒壬辰進士授禮部儀制司主事工制鑒及近體詩多參古體嘗與康有爲公車上書戊戌政變歸里改建大成書院並任主講十年多所裁成繼倡修文昌宮崇閣壯麗殿門陰镌文即其手書規撫顏柳秀勁不羣採訪

李芝山字紫庭光緒間廩生博綜羣書恪守先儒遺訓居家孝友接物忠恕教授生徒從遊甚衆著有梅窗集現多散失採訪

張廷用字竹賢光祿鄉人光緒甲午副榜歷任學校教授裁成甚衆間長地方經費廉介不苟晚年家居詩酒自娛花晨月夕均有吟咏名勝古蹟時發幽思雖淡中著筆寓意深遠所著詩集詳見學術採訪

商延年字鶴仙光緒庚子辛丑併科舉人留學日本宏文學校與保山林春華譯編物理新編歸教鄉人

光復後任滇督軍署法曹尋知摩娑現名縣事爲人工詩文善書畫致仕後留寓省中爲指頭書畫生動

有致求者盈門採訪

甘德柄字子謙孟賢長子清舉人穎慧逾恆五歲受書十歲能詩文成童終十三經卷繼讀莊騷史漢下筆輒冠羣曹平生以紹述教育世業爲職志宣統間創設甘氏自立小學民國五年籌辦姚安等四縣聯合中學歷任昆華中學廣通師範文史教員先後四十年間孜孜不倦一時桃李盈門成就頗衆爲文倚馬可待鄰近各縣碑銘傳序多出其手其純客觀文字清真純正深入歐陽堂奧並精醫術工詩聯遠近求者咸往應之卒年七十有五遺著有毛詩廣義尙書粹旨等書地方深爲悼惜特籌資公葬弟德輝字子晦聰穎博學能文亦如其兄甫弱冠文名藉甚調充經正書院高材生昆明陳榮昌長院器重之課藝文多列入經正課藝宣統初由雲龍錢用中創辦雲南日報聘任總撰述於時事多所箴砭已酉以拔元赴京試得朝元授陸軍部軍收司七品京官辛亥國變投筆從戎由軍醫軍需陞任靖國鄂軍第一師參

謀長擘畫精詳義師文檄多出其手顧體素羸年僅四十有二竟積勞病故軍中不獲大展其才士論惜之從弟德方字子直亦聰慧能文弱冠即以優元貢於廷籤分四川以直隸州判補用光復後歷任邑中及建水廣通中校教授二十餘年裁成甚衆採訪

鄭仰儒字惠之邑北長壽屯人宣統已酉選拔嘗肄業省垣高等學堂及法政學校選拔後朝考分四川任用民國改元選任省議會議員審查稅捐多所建議爲人不平即鳴光緒丙午邑中大旱州牧匿不以聞卽糾旅省同人瀝陳旱災得賑以抒民困旋陳革除城市保正升斗積弊光復時並上軍府時事書數千言慷慨淋漓具見清介之氣並在本縣及阿迷箇舊等處任教成就甚衆採訪

陳日新字子銘光緒間恩貢生工詩能文邑掾紳馬駟良嘗聘充本鄉教授多年後赴省任報館編輯所著社論人多重之生平劬學手不釋卷家人曝穀於庭令持竿逐雞雀竟觀書不顧家人歸稻多失詰之曰未也時人以高鳳目之後漢高鳳專精誦讀晝夜不息妻嘗之曰曝麥於庭令鳳護雞時天暴雨而鳳持竿踰澗不覺水潦流麥委遠怪問鳳方悟之後以名儒稱

贊曰繭絲繩跡擢吐心肝薈萃經史專擅詞壇韓潮蘇海壯波瀾文化日進此其造端

姚安縣志卷三十四

人物志之十

義行

士君子胞與爲懷不能出而幹旋氣運利濟蒼生而時能存心利物於人有濟功德之量雖殊悲憫之懷則一也甘志依通志例特開義行一門竊謂義行表見亦不一端時際艱危之會事當公共利害之交苟能挺身赴義以弭一方之患而羣衆蒙其福利者要當與好義樂施之士共光簡冊於不

朽云

明

高潮

龔應先

蔡

澍子學清張所學

陶以鐸

郭宣猷

清

馬騰皋

龔文元

龔正泰

甘學曾

內哲徐翻

陳

鍾

許鳳麟等

向

明毛

榮袁

采

王騰驥

王元旦

徐斯茂官宗賢

由之奇

宗德

向殿

張開圖

劉賢

劉

轅

高聯第

關偉

朱絢

周興國子兆繁

徐景達

王會圖

關

壽

周

繡

劉志高

陳

韶

姚安縣志

卷三十四

人物志

義行

劉源逢 郁熙廷 吳士元 弟應允

賈國華 楊玉山

李文煒 邱輝燦 李中清

張廷樑

郭士端

羅宗閔

任揆道 子恕

雷鳳舞 劉思禹等

周飛熊

高尚質

魯源沂 楊國文

夏重慶 章德

高潮州土舍好禮慕義樂善濟貧擇士人之貧而能文者聚之家塾給以膏火其尙賢好義如此 姚安府志

龔應先隆萬間人賦性端方好善樂施言行不苟取與必慎壽至九十五歲 州志

蔡澍隆萬間人生平好義樂施嘗修建鎖水塔以培風水又與兩兄椿榛同建光明宮子學清體父志亦

好施濟遇有貧乏者量力周恤無德色無驕志凡所周濟事過則置之絕口不言於人 州志

張所學嘉靖間人仁孝天成迎母歸養博學淹貫自勵儒修樂施嗜善恤孤濟貧教子三人悉貢成均長

曰美官至廣德知州懋著循績 參陶近張封翁墓銘

陶以銘恩選貢生疏財好義官景東教授致仕歸所得俸金盡以分惠親鄰之貧乏者 甘肅志

郭宣猷州東煙蘿鄉人明季任迴龍廠官廠停家居慷慨好義張虎入姚肆行屠殺鄉人懼避乃親往說

虎勸勿妄戮無辜虎從之令遍插紅旗識別鄉民得免於難 採訪

馬騰皋順治間人古樸端方樂善好施生平不入公門壽至百歲 管志

龔文元康熙間人性好善施棺揗骨終身不倦壽八十餘舉鄉飲賓

管志

龔正泰康熙間人生平好義凡施棺揗骨撫孤恤寡諸善事靡不盡心

管志

甘學曾康熙間諸生與同里生冉哲徐翮皆敦行古道孚於鄉里尤好施濟每遇人有患難輒力爲救解時以忠孝之道爲人講說義舉頗多

甘志
王志

陳鍾康熙間人性長厚和平好義樂施與許鳳林高建業李榮春同爲鄉里模範壽皆至九十有司請於

朝恩賜九品壽官並給以粟帛

甘志
王志

向明康熙間州西彌興人勤儉起家積而能散晚年耕圃得藏鏹曰天賜也施濟彌篤臨終命子檢篋中債券讀之凡貧困者悉令焚去遺命不得索取後同邑有監生毛榮亦樂善好施設義學以教貧民有司嘗書樂善不倦匾額旌之

採訪

袁采姚邑京鄉人康熙間諸生緬懷先澤篤志潛修食餼後設帳談經飲人以和事繼母人無間言子學舉以經魁授浙江孝豐縣時以敬恕二字勗之

參紀昀袁鳳山先生稟誌

王騰驥州北蘆川人雍正間例貢生時知府臧珊置夫馬公田以蘇民困騰驥以湯家冲私產一莊計田二百三十坵捐爲公田進士饒有亮曾爲文以誌其美

甘志